



ЎЗБЕКИСТОН RESPUBLIKASI
ADLIYA VAZIRLIGIDA
DAVLAT RO'YXATIDAN O'TKAZILDI
RO'YXAT RAQAMI: 2991
2018 yil 3 aprel



**ЭЛЕКТР ЭНЕРГЕТИКАДА НАЗОРАТ БЎЙИЧА ДАВЛАТ ИНСПЕКЦИЯСИ
ЎЗБЕКИСТОН RESPUBLIKASI VAZIRLAR MAHKAMASI HUZURIDAGI
ЎЗБЕКИСТОН НЕФТЬ МАҲСУЛОТЛАРИ ВА ГАЗДАН FOYDALANISHNI
NAZORAT QILISH DAVLAT INSPEKTSIYASINING
QARORI**

Қўлланиладиган технологиялар ва асбоб-ускуналарнинг энергия жихатдан самарадорлик кўрсаткичларига мувофиқлиги, шунингдек, ёқилғининг муқобил турларидан фойдаланиш тўғрисида хулосалар бериш тартиби тўғрисидаги низомни тасдиқлаш ҳақида

Ўзбекистон Республикаси Президентининг 2018 йил 17 январдаги ПҚ-3479-сон “Мамлакат иқтисодиётининг тармоқларини талаб юқори бўлган маҳсулот ва хом ашё турлари билан барқарор таъминлаш чора-тадбирлари тўғрисида”ги қарорига мувофиқ Электр энергетикада назорат бўйича давлат инспекцияси ва Ўзбекистон Республикаси Вазирлар Маҳкамаси ҳузуридаги Ўзбекистон нефть маҳсулотлари ва газдан фойдаланишни назорат қилиш давлат инспекцияси қарор қилади:

1. Қўлланиладиган технологиялар ва асбоб-ускуналарнинг энергия жихатдан самарадорлик кўрсаткичларига мувофиқлиги, шунингдек, ёқилғининг муқобил турларидан фойдаланиш тўғрисида хулосалар бериш тартиби тўғрисидаги низом иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга киради.

**Электр энергетикасида назорат
бўйича давлат инспекцияси
бошлиғи**

Тошкент ш.
2018 йил “ 29 ” март
5 - сон



Д. Исакулов

**Ўзбекистон Республикаси Вазирлар
Маҳкамаси ҳузуридаги Ўзбекистон
нефть маҳсулотлари ва газдан
фойдаланишни назорат қилиш
давлат инспекцияси бошлиғи**

Тошкент ш.
2018 йил “ 29 ” март
7 - сон



Н. Агзамов

Электр энергетикада назорат бўйича давлат инспекцияси
ҳамда Ўзбекистон Республикаси Вазирлар Маҳкамаси
ҳузуридаги Ўзбекистон нефть маҳсулотлари ва газдан
фойдаланишни назорат қилиш давлат инспекциясининг
2018 йил 29 мартдаги 5, 7-сон қарорига
ИЛОВА

**Қўлланиладиган технологиялар ва асбоб-ускуналарнинг энергия
жихатдан самарадорлик кўрсаткичларига мувофиқлиги, шунингдек
ёқилғининг муқобил турларидан фойдаланиш тўғрисида
хулосалар бериш тартиби тўғрисидаги
НИЗОМ**

Мазкур Низом Ўзбекистон Республикаси Президентининг 2018 йил 17 январдаги ПҚ–3479-сон “Мамлакат иқтисодиётининг тармоқларини талаб юқори бўлган маҳсулот ва хом ашё турлари билан барқарор таъминлаш чора-тадбирлари тўғрисида”ги қарорига мувофиқ қўлланиладиган технологиялар ва асбоб-ускуналарнинг энергия жихатидан самарадорлик кўрсаткичларига мувофиқлиги, шунингдек, ёқилғининг муқобил турларидан фойдаланиш тўғрисида хулосалар бериш тартибини белгилайди.

1-боб. Умумий қоидалар

1. Ўзбекистон Республикаси Вазирлар Маҳкамасининг 2017 йил 28 декабрдаги 1025-сон “Табиий газ ва электр энергияси етказиб бериш ва реализация қилиш тизимини янада такомиллаштириш чора-тадбирлари тўғрисида”ги қарорининг 3-бандига асосан Электр энергетикада назорат бўйича давлат инспекцияси (бундан буён матнда “Ўздавэнергоназорат” деб юритилади) ҳамда Ўзбекистон Республикаси Вазирлар Маҳкамаси ҳузуридаги Ўзбекистон нефть маҳсулотлари ва газдан фойдаланишни назорат қилиш давлат инспекцияси (бундан буён матнда “Ўздавнефтгазинспекция” деб юритилади) “Энергияни тежаш миллий компанияси” АЖ билан биргаликда ушбу қарорга иловада кўрсатилган ташкилотларга (бундан буён матнда ташкилот деб юритилади) улар томонидан қўлланиладиган технологиялар ва асбоб-ускуналарнинг энергия жихатидан самарадорлик кўрсаткичларига мувофиқлиги, шунингдек ёқилғининг муқобил турларидан фойдаланиш тўғрисида хулосалар (бундан буён матнда хулоса деб юритилади) берилишини таъминлайди.

2. Хулосалар ташкилот томонидан қўлланиладиган технологиялар ва асбоб-ускуналарнинг энергия жихатидан самарадорлик кўрсаткичлари назарда тутилган стандартлаштиришга доир норматив ҳужжатлар (бундан буён матнда стандартлаштиришга доир норматив ҳужжат деб юритилади) мавжуд бўлганда берилади.

2-боб. Хулосани расмийлаштириш ва бериш

3. Ташкилот хулоса олиш учун тегишлилигича “Ўздавэнергоназорат” ёки “Ўздавнефтгазинспекция”нинг ҳудудий бўлимига ариза билан мурожаат қилади.

Бунда аризага стандартлаштиришга доир норматив ҳужжатнинг нусхаси илова қилиниши шарт.

Ариза анъанавий ёхуд электрон шаклда юборилиши мумкин.

4. “Ўздавэнергоназорат” ёхуд “Ўздавнефтгазинспекция”нинг ҳудудий бўлими аризани қабул қилиб олган куннинг ўзида аризани ҳамда унга илова қилинган ҳужжатларни 2 нусхада кўпайтирилишини ҳамда уларнинг бир нусхасини “Энергия тежаш миллий компанияси” АЖга, иккинчи нусхасини эса – тегишлича “Ўздавэнергоназорат” ёки “Ўздавнефтгазинспекция”нинг ҳудудий бўлимига юборилишини таъминлайди.

5. “Ўздавэнергоназорат” ҳамда “Ўздавнефтгазинспекция”нинг ҳудудий бўлимлари мутахассислари ариза берилган кундан бошлаб 5 кун ичида аризани берган ташкилотга борган ҳолда ташкилотда қўлланиладиган технологиялар ва асбоб-ускуналарнинг энергия жиҳатидан самарадорлик кўрсаткичларига мувофиқлиги, шунингдек ёқилғининг муқобил турларидан фойдаланилаётганлигини стандартлаштиришга доир норматив ҳужжатга мувофиқлигини ўрганади.

6. Ўрганишда:

“Ўздавэнергоназорат”нинг ҳудудий бўлими мутахассиси ишлаб чиқариш билан шуғулланувчи ташкилотда маҳсулот бирлигига сарфланаётган электр энергиясининг стандартлаштиришга доир норматив ҳужжатдаги кўрсаткичларга мувофиқлигини, шунингдек фаолияти ишлаб чиқариш билан боғлиқ бўлмаган ташкилотда асбоб-ускуналарнинг электр энергиясининг сарфи стандартлаштиришга доир норматив ҳужжатдаги кўрсаткичларга мувофиқлигини;

“Ўздавнефтгазинспекция”нинг ҳудудий бўлими мутахассиси ишлаб чиқариш билан шуғулланувчи ташкилотда маҳсулот бирлигига сарфланаётган газнинг стандартлаштиришга доир норматив ҳужжатдаги кўрсаткичларга мувофиқлигини, шунингдек фаолияти ишлаб чиқариш билан боғлиқ бўлмаган ташкилотда асбоб-ускуналарнинг газ сарфи стандартлаштиришга доир норматив ҳужжатдаги кўрсаткичларга мувофиқлигини ўрганади.

Мутахассислар ташкилотда сертификатланган ва энергия жиҳатидан самарали ускуналар ва приборлар қўлланилаётганини ҳам ўрганади.

Мутахассислар томонидан мазкур бандда назарда тутилмаган масалалар ўрганилиши тақиқланади.

7. “Ўздавэнергоназорат” ҳамда “Ўздавнефтгазинспекция”нинг ҳудудий бўлимлари мутахассислари томонидан ташкилотда ўтказилган ўрганиш натижалари юзасидан 2 нусхада маълумотнома тузилади.

Ўрганиш жараёнида ташкилотда мазкур Низомга асосан ўрганиш предметиға кирадиган масалалар мавжуд бўлмаганда, бу ҳақда маълумотномада кўрсатилади.

Маълумотнома “Ўздавэнергоназорат” ҳамда “Ўздавнефтгазинспекция”нинг ҳудудий бўлимлари мутахассислари, ташкилотнинг раҳбари ёки вакили томонидан имзоланади.

8. “Ўздавэнергоназорат” ҳамда “Ўздавнефтгазинспекция”нинг ҳудудий бўлимлари мутахассислари томонидан ўрганиш натижалари юзасидан тузилган маълумотнома у имзоланган куннинг ўзида (бирок, ариза берилган кундан бошлаб 5 кундан кечиктирмай) “Энергия тежаш миллий компанияси” АЖга юборилади.

9. “Энергия тежаш миллий компанияси” АЖ “Ўздавнефтгазинспекция” ва “Ўздавэнергоназорат”нинг ҳудудий бўлимлари мутахассислари томонидан ўрганиш натижалари юзасидан тузилган маълумотномани у юборилган кундан бошлаб 10 кун ичида ўрганиб чиқади.

10. “Энергия тежаш миллий компанияси” АЖ ўрганиш натижасида ташкилотда қўлланилаётган технологиялар ва асбоб-ускуналар энергия жиҳатидан самарадорлик кўрсаткичларига мувофиқ (ёқилғининг муқобил турларидан фойдаланилади), деб топганда мазкур Низомнинг иловасига мувофиқ шаклда ҳулосани расмийлаштиради ва уни шу куннинг ўзида тегишлича “Ўздавнефтгазинспекция” ёки “Ўздавэнергоназорат”нинг ҳудудий бўлимига кейинчалик ташкилотга бериш учун юборади.

11. “Ўздавнефтгазинспекция” ёки “Ўздавэнергоназорат”нинг ҳудудий бўлими “Энергия тежаш миллий компанияси” АЖ томонидан расмийлаштирилган ҳулосани у келиб тушган куннинг ўзида ташкилотга юборилишини таъминлайди.

12. Ҳулоса “Энергия тежаш миллий компанияси” АЖ раҳбари ҳамда “Ўздавнефтгазинспекция” ва “Ўздавэнергоназорат”нинг ҳудудий бўлимлари раҳбарлари томонидан имзоланган ва мазкур ташкилотларнинг муҳри билан тасдиқланган бўлиши лозим.

Ҳулосага уни асослантирувчи маълумотлар илова қилинади.

Ҳулоса 5 йил муддатга берилади.

13. Ташкилотда қўлланилаётган технологиялар ва асбоб-ускуналар энергия жиҳатидан самарадорлик кўрсаткичларига мувофиқ эмас, деб топилганда мурожаат этувчи шахсга асослантирилган жавоб хати тайёрланади ва уни мурожаат этувчига тақдим этиш учун тегишлича “Ўздавнефтгазинспекция” ёки “Ўздавэнергоназорат”нинг ҳудудий бўлимига юборади.

14. Мазкур Низом Ўзбекистон Республикаси Иктисодиёт вазирлиги, Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат кўмитаси, Ўзбекистон стандартлаштириш, метрология ва сертификатлаштириш агентлиги, Ўзбекистон Республикаси Савдо-саноат палатаси, “Энергия тежаш миллий компанияси” АЖ, “Ўзтрансгаз” АЖ ва “Ўзбекэнерго” АЖ билан келишилган.

Иктисодиёт вазири

2018 йил 29 март



[Signature]

Б. Ходжаев

Хусусийлаштирилган корхоналарга кўмаклашиш ва рақобатни ривожлантириш давлат кўмитаси раиси

2018 йил 28 март



[Signature]

Р. Гулямов

Ўзбекистон стандартлаштириш, метрология ва сертификатлаштириш агентлиги бош директори

2018 йил 27 март




[Signature]

А. Каримов

Савдо-саноат палатаси раиси

2018 йил 26 март



[Signature]

А. Икромов

“Энергия тежаш миллий компанияси” АЖ бошқарув раиси

2018 йил 26 март



[Signature]

Б. Ганиев

“Ўзтрансгаз” АЖ бошқарув раиси

2018 йил 24 март



[Signature]

А. Мустафаев

“Ўзбекэнерго” АЖ бошқарув раиси

2018 йил 23 март



[Signature]

У. Мустафоев

Қўлланиладиган технологиялар ва асбоб-ускуналарнинг энергия жиҳатдан самарадорлик кўрсаткичларига мувофиқлиги, шунингдек ёқилғининг муқобил турларидан фойдаланиш тўғрисида хулосалар бериш тартиби тўғрисидаги низомга
ИЛОВА

Қўлланиладиган технологиялар ва асбоб-ускуналарнинг энергия жиҳатдан самарадорлик кўрсаткичларига мувофиқлиги, шунингдек ёқилғининг муқобил турларидан фойдаланиши тўғрисидаги

ХУЛОСА

_____ -сон

20__ йил “__” _____

Ушбу хулоса _____ нинг
(ўрганиш ўтказилган ташкилотнинг номи)

_____ да
(ўрганиш ўтказилган объектнинг манзили)

жойлашган объектда:

қўлланилаётган технологияларнинг;
қуйидаги асбоб-ускуналарнинг:

_____;

энергия жиҳатидан самарадорлик кўрсаткичларига мувофиқлигини тасдиқлайди.
Ташкилотда ёқилғининг қуйидаги муқобил турларидан фойдаланилади:

_____;

_____.

Ушбу хулосага илова қилинаётган асослангирувчи маълумотлар унинг ажралмас қисми ҳисобланади.

Илова _____ вақтида.

**“Ўздавэнергоназорат”
худудий бўлими бошлиғи**

_____ (Ф.И.О.)

М.Ў.

_____ (имзо)

**“Ўздавнефтгазинспекция”
худудий бўлими бошлиғи**

_____ (Ф.И.О.)

М.Ў.

_____ (имзо)

**“Энергия тежаш миллий
компанияси” АЖ бош директори**

_____ (Ф.И.О.)

М.Ў.

_____ (имзо)